

СЕПТЕМВРЯ 16-ГО ДЕНЬ.

СВЯТОЙ МУЧЕНИЦЕ ЛЮДМИЛЕ

На вечерне: на Господи, воззвах: стихиры на 10, глас 6.

Крест возносится, / и демони прогоняются, / разбойник Едема убо врата отверзает, / смерть умерщвляется, / и ныне пуста явися, / Христос величается. / Тем веселитесь вси земнороднии, / клятва разрушися. [Дважды.]

Приидите боголюбивии вси, / Крест честный возносимый видяще, / возвеличим купно, / и славу дадим, Единому Избавителю и Богу взывающе: / Распныйся на Древе Крестнем, / не презри молящихся нас.

Горесть древле ослаждая Моисей, / избави Израиля, / образом Крест прописуя: / мы же сего вси божественно вернии, / таинственно воображающе в сердцах наших / всегда, спасаемся державою его.

Днесь благодать Святаго Духа нас собра, / и вси составивши Христову Церковь, / прославляюще Бога нашего, / помянем Его святую мученицу, / пресветлую Людмилу, / пострадавшую за Христа от диавола.

На святой твой праздник днесь / собрались мы, / мученице Людмиле славне, / вопиюще едиными устнами ти: / ходатайствуй пред Господом за мир сей, / помоги всем скорбящим, / утешь печальных, / спаси отчаянных и исполни всякое прошение, / к тебе восходящее.

В любви Божией пребывая присно, / не забуди ближних твоих, / наша заступнице верная, / Людмиле пресветлая, / мученице крепкая, / и всем болящим помоги, / разобщенных вновь соедини, / скорбящих же утешь, сердца злых умягчи и сочетай всех со Троицей, / да вопиют вси Христу: / Свят еси, наш Господи.

Любовь превечную стяжавши в сердце своем, / Людмиле святая мученице, / явила Царствие Христово в мире, / осветила ближних своих, / прославил еси / жизнью Христа Бога нашего, / убита была еси от врагов Господа, / вознеслась же ко Троице / яко столп огненный / и ныне за весь мир предстательствуеши.

Приявши в сердце свое веру, / и надежду не оставивши, / возсияла великой любовью, / просвещая мир и ближних научаючи, / мученице Людмиле, / просвети и ныне всех ослепленных.

Царствие Божие есть любовь / и единство в Господе, / Свята Духа общение, / всех соединение, радость неизреченная, / доброта великая, / благодарение, праведность и мир, наипаче же / Христова Любовь, / Еяже приявши, / Людмиле, моли за мир сей.

Слава, глас 6-й:

Кресте Пречестный, / егоже обстоят чини ангельстии веселящися, / днесь воздвигаемь, / Божественным мановением возносиши вся, / окраденным снеди отгнанная, / и в смерть поползшиися. / Темже ты сердца и устнами вернии

лобызающе, / священние почерпаем, / возносите, вопиюще, / Христа Преплагаго Бога, / и Того покланяйтесь Божественному подножию.

И ныне: Богородичен догматик шестого гласа:

Кто Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощя: / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, / помиловатися душам нашим.

Вход с кадиллом. Прокимен дня. 3 Паримии мученические.

На стиховне стихиры 4, глас 5.

Совершивши течение жизни добре, / исполнивши Христовы заповеди, / воспитавши чад своих во истине, / затворилася еси в Тетинском замке, / Людмила, княгине Чешская, / идеже и мученицей соделалася.

Стих: Возведох очи мои в горы, отонудуже приидет помощь моя.

Драгомира, Людмила сродница, / ослепленная силой сатанинскою, / возненавидевши Господа, / убила еси святую мученицу. / Она же, убийц простивши, / вознеслася ко Троице, / и прияла еси венец неувядаемый,

Стих: Помощь моя от Господа, Сотворшаго небо и землю.

Радуйся, Людмила мученице, / светозарная праведнице, / ты бо была еси христианкой истинной, / и во браке с мужем своим Боривоем жила еси в святости, / научила же детей своих истине, / и к ближним была еси доброю, / темже вси тя согласно величаем.

Стих: Господь сохранит тя, Господь покров твой на руку десную твою.

Радуйся и веселися, Церковь Божия / в пресветлые и красные сии дни! / Днесь бо празднество творим велие: / Воздвижение Креста Христова славим и величаем мученицу Людмилу / с мученицей Евфимией. / Днесь мир нерукотворный собою славит Господа, / земля же красуется небесной славою, / мы же, люди, прославляем Господа / и молимся Ему о всех и за вся!

Слава:

Славим днесь святую мученицу, / агницу Христову закланную, / сестру нашу Людмилу светлую, / просиявшую светом Царствия, / появшую Любовь вечную, / осветившую, яко свеча, ею ближних, / вопия с ней ко Господу: / Господи, хорошо нам здесь быти.

И ныне: праздника, стихира:

Радуйся, Господень Кресте, / имже разрешился от клятвы человечество, / сущия радости знамение, / прогоняяй враги во твоём воздвижении, / всечестне. / Нам помощниче, крепость праведных, / священников благолепие, воображаемый, / и лютых избавляяй, жезл силы, / имже пасемся, оружие мира, / егоже со страхом обстоят ангели, / Христа Божественная слава, / подающаго миру велию милость.

Тропарь:

Агница Твоя, Иисусе, Людмила,/ зовет велиим гласом:/ Тебе, Женише мой, люблю,/ и Тебе ищущи страдальчествою,/ и сраспинаюся и спогребаюся крещению Твоему,/ и стражду Тебе ради,/ яко да царствую в Тебе, и умираю за Тя,/ да и живу с Тобою,/ но яко жертву непорочную приими мя с любовию поже=ршуюся Тебе./ Тоя молитвами,\ яко милостив, спаси души наша. **Дважды**

Спаси, Господи, люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство. **С**паси, Боже, люди Твоя:, **Единожды.**

НА УТРЕНИ.

На Бог Господь: тропарь мученице

Агница Твоя, Иисусе, Людмила,/ зовет велиим гласом:/ Тебе, Женише мой, люблю,/ и Тебе ищущи страдальчествою,/ и сраспинаюся и спогребаюся крещению Твоему,/ и стражду Тебе ради,/ яко да царствую в Тебе, и умираю за Тя,/ да и живу с Тобою,/ но яко жертву непорочную приими мя с любовию поже=ршуюся Тебе./ Тоя молитвами,\ яко милостив, спаси души наша. **(дважды.)**

Слава, тропарь празднику, глас 1-й:

Спаси, Господи, люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство.

И ныне: глас 1-й:

Гавриилу вещавшу Тебе Дево, радуйся, / со гласом воплощашеся всех Владыка, / в Тебе Святем Кивоте, / якоже рече праведный Давид: / явилася еси ширшая небес, / поносивши Зиждителя Твоего. / Слава Всельшемуся в Тя: / слава Прошедшему из Тебе: / слава Свободившему нас Рождеством Твоим.

Седален по 1-й стихологии, глас 6.

Воспоминаем ныне Людмилы / святой честныя страдания, / иже прияла еси от южиков своих, / не ведящих Бога Истиннаго, / за Бога нашего, Христа, / Емуже служила еси всю жизнь свою, / Емуже уневеститися жаждала, / Емуже молилася еси непрестанно / и в Немже все упование свое полагала, / вспоминая глаголы светлыя, / иже рек Христос: / возьмите иго Мое себе и научитесь от Мене; / и якоже агница пред стригущим ю / безгласна бывша, / егда заклана бысть от неверных. / Темже молися с Богородицею, во еже спастися нам.

Слава, И ныне тойже:

По 2-й стихологии седален, глас 6:

Молишися о нас Богу нощенно, и призираеши на ны с горних высот, о Людмилу милостивая, принесшая светлое учение Православное во страну твою Чехию, не остави нас окамененных, но даруй нам умиление, да воззовем с тобою купно во Царствии Небеснем: Слава Ти, Господи, Создавшему нас; Слава Ти, Господи, не отвергшему нас; Слава Ти, Господи, Спасшему нас; Слава Ти, Господи, Обожившему нас; Слава Ти, Господи, Милующему нас; Слава Ти, Боже, во веки.

Слава, И ныне тойже:

Полиелей.

Величание: Величаем тя, святая мученице Людмилу, / и чтим честная страдания твоя, яже за Христа претерпела еси.

Псалом избранный: Предзрех Господа предо мною выну, яко одесную мене есть, да не подвижуся. Сего ради вознесеса сердце мое и возрадовался язык мой. Сказал ми еси пути живота, исполниши мя веселия с лицом Твоим. Господь мне Помощник, и не убоюся, что сотворит мне человек.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящи Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен: глас 4.

Дивен Бог во святых Своих, / Бог Израилев.

Стих: В церквах благословите Бога, Господа от источник Израилевых. Всякое дыхание:

Евангелие от Марка, зачало 21

По 50-м псалме

Слава: / Молитвами апостолов, / Милостиве, очисти / множества согрешений наших.

И ныне: / Молитвами Богородицы, / Милостиве, очисти / множества согрешений наших.

Таже, глас 6: Помилуй мя Боже / по велицей милости Твоей, / и по множеству щедрот Твоих / очисти беззаконие мое.

Стихира, глас 6.

Славим днесь святую мученицу, агницу Христову закланную, сестру нашу Людмилу светлую, просиявшую светом Царствия, появшую Любовь вечную, осветившую, яко свеча, ею ближних, вопия с ней ко Господу: Господи, хорошо нам здесь быти.

Канон, глас 8, мученице, и канон Кресту.

Егоже краегранесие: Святая мученице Людмиле, моли Бога о нас.

Песнь 1

Ирмос: Колесницегонителя фараона погрузи, / чудотворяй иногда / Моисейский жезл, крестообразно поразив, / и разделив море, / Израиля же беглеца, пешеходца спасе, / песнь Богови воспевающа.

Припев: Святая мученице, Людмило, моли Бога о нас.

Слове Божий, Христе, слова ми подаждь дар, да пою Тя, Животе Неисчерпаемый, и да славлю мученицу Твою Людмилу, песнь Ти поюще: поим Господеви, славно бо прославися.

Венец нетленный приявши во страдании своем, моли, Людмило, Бога Славного венцы светлии даровати нам, да, приявше я, воспоим: поим Господеви, славно бо прославися.

Слава: Яко агница непорочная ведена была ты на закление, ни едино же слово вопреки рекше; обаче воспела еси песнь Богови: поим Господеви, славно бо прославися.

И ныне: Тя, Пречистая, вси роди ублажают, яко носила еси во чреве Превечного Бога, к Немуже молися за мир, купно с Людмилою мученицей, поющей: поим Господеви, славно бо прославися.

Катавасия: Крест начертав Моисей:

Катавасия: Крест начертав Моисей, впрямо жезлом Чермное пресече, / Израилю пешеходящу, / тоже обратно фараоновым колесницам ударив совокупи, / вопреки написа непобедимое оружие. / Тем Христу поим Богу нашему, / яко прославися.

Песнь 3

Ирмос: Утвердей вначале Небеса разумом, / и землю на водах основавый, / на камени мя, Христе, заповедей Твоих утверди, / яко несть свят, паче Тебе, / Едине Человеколюбче.

Ангели светлии сретили на воздухе душу твою пресветлую, страданием невинным убеленную, молитвою преукрашенную, любовию озаренную, песнь Богови поюще: свят еси, Господи, и поет Тя дух мой.

Яко звезда огненная, яко Ангел пресветлий вознеслася еси душа твоя на Небеса, Людмило, преозаренная благодатию Святаго Духа, поющая: Свят еси, Господи, и поет Тя дух мой.

Слава: Молимся ти, Людмило славне, помолися за мир ко Владыке, и помоги всем, помощи чающим, утеши скорбящих, возрадуй унывающих, да вопиют и они ко Господу: Свят еси, Господи, и поет Тя дух мой.

И ныне: Ублажаем Тя вси, о Богомати, яко Матерь Бога нашего, якоже прорекла еси, и поем Тя с Людмилою мученицей, и Господу зовем: Свят еси, Господи, и поет Тя дух мой.

Катавасия: Жезл во образ тайны приемлется, / прозябением бо предразсуждает священника, / неплодящей же прежде Церкви, / ныне процвете древо Креста, / в державу и утверждение.

Песнь 4

Ирмос: Ты моя крепость, Господи, / Ты моя и Сила, / Ты мой Бог, Ты мое Радование, / не оставь недра Отца, / и нашу нищету посетив, / тем с пророком Аввакумом зову Ти: / силе Твоей слава, Человеколюбче.

Честна пред Господом смерть твоя, мученице, бысть, за неяже венец прияла еси, венец нетленный, темже молися ко Господу, да подаст и нам венцы Царствия, да поем Ему присно: слава силе Твоей, Господи.

Егда убивающие тя проклинали тя, ты их благословляла, якоже Христос, Емуже все житие твое посвятила еси; темже сподоби и нас, внемга скорбни будем, пети Владыще: слава силе Твоей, Господи.

Слава: Несть бози идоли ваши, - рекла еси, Людмило, сродником твоим, жаждущим отвратити тя от веры истинная, за неяже и смерть прияла безвинную, - но Един Бог Есть, Бог Свят, Емуже Церковь Христова взывает: слава силе Твоей, Господи.

И ныне: Исповедуем вси Тя, Пречистая Дево Марие, Истинною Богородицею, Носившею во чреве Бога Истиннаго, Приявшего плоть от Тебе и неложно воплотиться на земли Жившаго, и Распятаго, и Воскресшаго, вопиюще Ему с Людмилою: слава силе Твоей, Господи.

Катавасия: Услышах Господи, / смотрения Твоего таинство, / разумех дела Твоя, / и прославих Твое Божество.

Песнь 5

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма окаяннаго, / но обрати мя, и к свету заповедей Твоих, / пути мои направи, молюся.

Царю Небесному, Егоже зриши ясно, помолися, Людмило, за всех, помощи чающих, и спаси из глубины отчаяния всех гибнущих, и подай покой всем зовущим: Господи Боже наш, мир даждь нам.

Егоже всю жизнь свою пресветлую жаждала зрети, и служити Ему верно, ныне зриши ясно, Того моли, Людмило, спасти мир наш от злобы диаволи, от вражды и разделений, и даровати спасение поющим: Господи Боже наш, мир даждь нам.

Слава: Людмило, Божия агнице, зря ныне Агнца лицом к лицу и наслаждаяся общением сим, не забуди нас грешных, заблуждших во вражде, не ведущих пети: Господи Боже наш, мир даждь нам.

И ныне: Южики твои, Людмило, заклаша тя якоже агницу, незлобие и веру твою зря; темже молися о нас с Пречистой Девой Богородицей и всеми святыми, глаголющи: Господи Боже наш, мир даждь нам.

Катавасия: О Треблаженное древо, / на немже распяся Христос, Царь и Господь. / Имже паде древом прельстивый, / тобою прельстився, / Богу пригвоздившуся плотию, / подающему мир душам нашим.

Песнь 6

Ирмос: Очисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

Древо крестное спасе весь род человеческий силою Распятого на нем Христа Бога нашего, темже, лобызающе и, вопием с Людмилою, крест свой смиренно понесшей: яко пророка Иону спаси нас, Господи.

Молитву непрестанную стяжала еси к Богу, хождаше пред Ним, якоже Енох, нощенно, темже научи нас молитве истинней, да, обратившись к покаянию, умолим Бога за мир, глаголюще: яко пророка Иону спаси нас, Господи.

Слава: Исповедав Господа пред всеми, исповедана быв Господом пред Ангели, венец приявши радости светлый, уневестилася Господу, Егоже чаявши всю жизнь свою зрети, вопияла выну: яко пророка Иону спаси нас, Господи.

И ныне: Людмило богославная, твою память праэднующе светло, воспоминаем страдания твоя, и дивимся кротости твоей, и молим ти ся: молися к Богородице, да простит нам беззакония наша, да молится ко Господу о нас, поющих: яко пророка Иону спаси нас, Господи.

Катавасия: Воднаго зверя во утробе, / длани Иона крестовидно распростер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мiр просвещшаго.

Кондак, глас 6.

От небес прияла еси любовь Божию, / темже убита была еси от сродников, / о Людмило пресветлая, / молися о всех нас, верно чтущих тя

Икос: Агницу непорочную, Людмилу, вернии, на небесех зряще, молящуюся за ны непрестанно, вси воспоим: Радуйся, себе в жертву Богу принесшая; радуйся, со Ангели на небеса вшедшая. Радуйся, мира Христова благоухание; радуйся, Божественными добродетельми осиянная. Радуйся, теплая предстательнице наша пред Богом; радуйся, вознесенная к Небесным чертогом. Радуйся, верных молитвам внимающая; радуйся, всякое желание благое исполняющая. Радуйся, праведнице, питавшая всех алчущих, радуйся, благой любовью утешавшая всех плачущих. Радуйся, яко злато в горниле, очищенная; радуйся, Небесной славы причащенная. Радуйся, святая мученице Людмило, Богу и людям Его милая.

Песнь 7

Ирмос: Превозносимый отцев Господь пламень угаси, / отроки ороси, согласно поющая: / Боже, благословен еси.

Молящуюся тя зря к Богу ныне, Людмило, радуется Церковь Чешская, радуемся и мы, яко обретохом предстательницу верную, дарующую нам радость Небесную, и зовем вси к Богу, Давшему нам тя: Боже, благословен еси.

Одеваясь днесь, яко ризою, светом; облачаяся днесь во Христову любовь, помяни, Людмилу, мир твой, вспомяни о твоих сестрах и братиях, соедини их всех во едино и сподоби пети Господу: Боже, благословен еси.

Слава: Лесть бесовскую отгнала еси, о Людмилу непорочная, и служила еси Богу всею жизнью своею, и любила Его всем сердцем и душою всею, и Ему одному прилеплялася, темже сотвори, да деем то же и мы, всегда в себе вопиюще: Боже, благословен еси.

И ныне: Изрядно же о Тебе, о Препоблагословенная Марие, благодарим Бога нашего, Ты бо заступница есть всем нам, и земле Русской покров, спаси нас, Тебе зовем, яко Матерь всех Владыки, и научи нас пети Богу, с Людмилою купно: Боже, благословен еси.

Катавасия: Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огонь снедаяй, но противодышущу росоносному Духу, / со огнем суще пояху: / препетыи отцев и нас Боже, благословен еси.

Песнь 8

Ирмос: Седмерицею пещь / халдейский мучитель / богочестивым неистовно разжже, / силою же лучшею / спасены сия видево, Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

Божественный славы сподобилася еси, о Людмилу мученице, и наслаждаешися днесь любовью Божией, ее же чаяла имети в себе; темже молися о нас, да возлюбим друг друга и, единомысленно исповедающе Отца и Сына и Святаго Духа, воспоем: Господа пойте, дела, и превозносите во вся веки.

О Людмилу, мученице светлая, имущая одежду брачную святу, благоухающая неизреченно, добродетельми Божественными осиянна, преукраси ими и нас, да от всего сердца воспоем: Господа пойте, дела, и превозносите во вся веки.

Благословим Отца и Сына и Святаго Духа, Господа: Глаголы наша внуши, Господи, якоже внял еси древле званию триех отроцев в пещи Вавилонстей, и подаждь нам любовь и сострадание, мир и радость с кротостию, молитвами святой мученицы Людмилы, зовущей: Господа пойте, дела, и превозносите во вся веки.

И ныне: Ангели служат Ти, Пресвятая, умы быстролетнии, песнь Трисвятую Богу воспевающие и славящие Тя непрестанно, яко Матерь Божию, Заступницу нашу, поющии: Господа пойте, дела, и превозносите во вся веки.

Катавасия: Благословите отроцы, / Троицы равночисленнии, / Содетеля Отца Бога, пойте снишедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

Песнь 9

Ирмос: Ужасеся о сем Небо, / и земли удивишася концы, / яко Бог явися человеком плотски, / и чрево Твое бысть пространнейшее Небес. / Тем Тя, Богородицу, / Ангелов и человек чиноначалия величают.

Окорми нас, Людмило, настави на путь истинный, научи нас оправданием Христовым, яже исполнив в житии своем, освященной соделалася; даждь нам мудрость и силу, да познаем Божию правду, да восславим Бога и Богородицу в песнях величаем.

Не забуди нас, Людмило, людям бывшая милой в земной жизни твоей; предстоя престолу Божию, ходатайствуй о нас, да предстанем мы престолу сему страшному неосужденно, и да дерзнем воспети тамо Его Матери: Богородицу в песнях величаем.

Слава: Ангельскую песнь воспевая днесь Богу на Небесех, научи и нас молитве истинней, не остави нас грешных, но в бедах заступи, в унынии посети, в болезни исцели, в беззакониях обрати, о Людмило, да поминающе житие твое выну, зовем Богоотроковице: Богородицу в песнях величаем.

И ныне: Славим вси Бога, Создавшего нас и Даровавшего нам тя, Людмило, во предстательство, да спасены будем вси, да узрим лик Его, да будет на челах наших имя святое Его, и да поим со Ангелы Матери Его: Богородицу в песнях величаем.

Катавасия: Таин еси, Богородице, рай, / невозделанно возрастивший Христа, / имже Крестное живоносное на земли насадися древо. / Тем ныне возносиму, поклоняющеся ему, / Тя величаем.

Светилен.

Подобен: Учеником:

Крест, хранитель всея вселенныя, Крест, красота Церкви: Крест, царей держава, Крест, верных утверждение, Крест, ангелов слава и демонов язва.

Слава, и ныне.

Подобен: Жены, услышите:

Крест воздвизается днесь, и мир освещается: иже бо со Отцем седяй, и Духом Святым, на сем руце распростре: мир весь привлече к Твоему, Христе познанию. Иже убо на Тя надеющыяся, Божественныя сподоби славы.

На хвалитех стихиры, глас 8.

Помощнице наша светлая, / заступнице неотступная, / душе любящая, / святая мученице, / помолися за всех, да все приидут ко Господу, / да все войдут во Царствие, / да все познают радость Евхаристии.

Днесь праздник твой, Людмила, / совершаем мы, согласно ты поюще, / за Христа пострадавшую, / и в страстях Его не оставльшую, / всех же возлюбившую, / мучителей своих благословившую, / и, в смерть сходящу, / сретившую Христа, / и ныне за весь мир ходатайствующую / и всем людям помогающую.

Причащаяся ныне Христова Царствия, / и зрящи Бога во всей полноте, / и в Духе Святом пребывающи, / не покидаеши нас, / Людмила мученице, / но присно с нами предстоиши Господу / и подаеши помощь всем, тоя требующим,

Просветившая мир учением Христовым, / сочетавшая с Господом своих сродников, / утешавшая скорбящих / и нищим помогавшая, / во браке честно пожившая, / явившая людям благодать Божию Людмила, / Христова агнице, защиты от диавола всех и вся.

Слава, глас 5:

Радуйся, Людмила благодатная, ты бо всю страну Чешскую осветила светом Православия, прияла же смерть за Господа, вознеслася душою же на Небеса, и ныне нам помогаешь еси.

и ныне, глас 6:

Днесь происходит Крест Господень, и вернии приемлют того желанием, и вземлют исцеления души же и тела, и всякия болезни. Сего целуим радостию и страхом: страхом, греха ради, яко недостойны суще: радостию же, спасения ради, еже подает миру на том пригвоздивыйся Христос Бог, Имеяй велию милость.

На Литургии

Блаженны от канона, песни 3-я и 6-я.

1. Ангели светлии сретили на воздухе душу твою пресветлую, страданием невинным убеленную, молитвою преукрашенную, любовью озаренную, песнь Богови поюще: свят еси, Господи, и поет Тя дух мой.
2. Яко звезда огненная, яко Ангел пресветлий вознеслася еси душа твоя на Небеса, Людмило, презаренная благодатию Святаго Духа, поющая: Свят еси, Господи, и поет Тя дух мой.
3. Молимся ти, Людмило славне, помолися за мир ко Владыке, и помоги всем, помощи чающим, утеши скорбящих, возрадуй унывающих, да вопиют и они ко Господу: Свят еси, Господи, и поет Тя дух мой.
4. Ублажаем Тя вси, о Богомати, яко Матерь Бога нашего, якоже прорекла еси, и поем Тя с Людмилою мученицей, и Господу зовем: Свят еси, Господи, и поет Тя дух мой.
5. Древо крестное спасе весь род человеческий силою Распятого на нем Христа Бога нашего, темже, лобызающе и, вопием с Людмилою, крест свой смиренно понесшей: яко пророка Иону спаси нас, Господи.
6. Молитву непрестанную стяжала еси к Богу, хождаше пред Ним, якоже Енох, нощенно, темже научи нас молитве истинней, да, обратившись к покаянию, умолим Бога за мир, глаголюще: яко пророка Иону спаси нас, Господи.
7. Исповедав Господа пред всеми, исповедана быв Господом пред Ангели, венец приявши радости светлый, уневестилася Господу, Егоже чаявши всю жизнь свою зрети, вопияла выну: яко пророка Иону спаси нас, Господи.
8. Людмило богославная, твою память праэднующе светло, воспоминаем страдания твоя, и дивимся кротости твоей, и молим ти ся: молися к Богородице, да простит нам беззакония наша, да молится ко Господу о нас, поющих: яко пророка Иону спаси нас, Господи.

Тропарь:

Агница Твоя, Иисусе, Людмила,/ зовет велиим гласом:/ Тебе, Женише мой, люблю,/ и Тебе ищущи страдальчествоую,/ и сраспинаюся и спогребаюся крещению Твоему,/ и стражду Тебе ради,/ яко да царствую в Тебе, и умираю за Тя,/ да и живу с Тобою,/ но яко жертву непорочную приими мя с любовию поже=ршуюся Тебе./ Тоя молитвами,\ яко милостив, спаси души наша.

Спаси, Господи, люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство. Спаси, Боже, люди Твоя: ,

Кондак, глас 6.

От небес прияла еси любовь Божию, / темже убита была еси от сродников, / о
Людмилу пресветлая, / молися о всех нас, верно чтущих тя.